

主席，在座各位，我反對「明日大嶼計劃」，而中部水域人工島相關研究亦係唔需要做。

我係一間教會青少年嘅導師，^{媽媽}接觸唔少嘅青少年人。政府介紹明日大嶼計劃時係話為下一代著想，為下一代做準備，但從我每日日常生活接觸到嘅事同人去分析了解，我都睇唔到依個明日大嶼計劃點樣幫到我地香港嘅下一代。

根據突破機構青少年研究資料庫嘅「青少年對『明日大嶼』的意見調查」資料顯示

8 成青少年反對「明日大嶼計劃」

8 成青少年擔心「明日大嶼計劃」引發經濟危機

9 成青少年認為要先考慮其他選項，例如發展棕地，一個相對容易，平，同埋最快解決到基本住屋權利同埋需求嘅方法

政府視「明日大嶼」為建設香港未來的計劃，造福香港後代，但研究卻顯示8成青少年反對計劃！尤其在連番大型基建項目嚴重超支後，政府再如此豪擲公帑夾硬推明日大嶼上馬，結果係累積青少年，甚至係所有家長，所有香港市民對政府的不滿和不信任！

成個「明日大嶼計劃」，政府只係講會有70萬至110萬人，20年後係入面居住，但根據政府公報出嚟嘅資料，香港人口會係20年之後下降，咁到時個人工島填完之後比邊個住？仲有，成個人工島係仲有3分之2冇解釋清楚點樣發展。~~當中冇幾大比重，係發展津貼房屋去令香港市民得益？~~政府亦有解釋清楚用我地香港市民嘅錢填返嚟嘅土地，有幾多最後係賣比發展商，再賣樓比返我地香港人再賺返我嘅錢，再賺多一筆。

林鄭月娥親口話估計「明日大嶼計劃」，填海嗰部份要用5000億，但計算埋牽涉大量道路、鐵路及公共設施工程，再加埋通脹，最後要用幾多錢落樓？政府係從來都冇交代。最後整個工程係咪要用成萬億來埋單？政府係從來冇否認過。

最後我地要問，香港政府咁多錢，點解唔用嚟幫青少年創造自立自主的空間及機會？大專教育令青年人負擔幾十萬學債，學生未畢業，政府已經計利息，青年連發展自己的機會都被政府係制度上剝奪。點解香港政府咁多錢，唔係用嚟改善香港嘅教育制度、醫療系統、退休保障、回購領展等等？係都要將香港市民嘅錢倒晒落海？

係機場三跑未填海已嚴重超支10億嘅情況下，連田北辰議員都講「三跑令人醒覺到原來填海不是這麼容易」政府係咪咁有把握，成個明日大嶼計劃一定會成功？

香港嘅土地同公帑點樣運用，城市點樣發展，唔係政府一言堂話晒事。係咁多人反對嘅情況下，我好想林鄭月娥答吓我地香港市民，究竟政府咁堅持倒錢落海為乜？

回應：近岸填海，唔係中間起人工島
區以佳
有規劃時做。

青少年，香港市民